

唐書合鈔

唐書卷第五十一

志二十七

天文二

從新書本  
分注舊書

日食

武德元年十月壬申朔日有食之在氏五度占曰諸侯專權則其應在所宿國諸侯附從則爲王者事四年八月丙戌朔日有食之在翼四度楚分也六年十二月壬寅朔日有食之在南斗十九度吳分也九年十月丙辰朔日有食之在氏七度

貞觀元年閏三月癸丑朔日有食之在胃九度九月庚戌朔日有食之在亢五度胃爲天倉亢爲疏廟二

年三月戊申朔日有食之在婁十一度占爲大臣憂

三年八月己巳朔日有食之在翼五度占曰旱四年

閏正月

新書紀作正月案紀三年閏十二月則四年不當有閏兩書志皆作閏正月閏字衍丁

卯朔日有食之在營室四度七月甲子朔日有食之

在張十四度占爲禮失六年正月乙卯朔日有食之

在虛九度虛耗祥也八年五月辛未朔日有食之在

參七度九年閏四月丙寅朔日有食之在畢十三度

占爲邊兵十一年三月丙戌朔日有食之在婁二度

占爲大臣憂十二年閏二月庚辰朔日有食之在奎

九度奎武庫也十三年八月辛未朔日有食之在翼

十四度翼爲遠夷十七年六月己卯朔日有食之在東井十六度京師分也十八年十月辛丑朔日有食之在房三度房將相位二十年閏三月癸巳朔日有食之在胃九度占曰主有疾二十二年八月己酉朔日有食之在翼五度占曰旱

顯慶五年六月庚午朔日有食之在柳五度龍朔元年五月甲子晦日有食之在東井二十七度皆京師分也麟德二年閏三月癸酉朔日有食之在胃九度

占曰主有疾乾封二年八月己酉朔

兩書紀皆作己丑案紀九月有

庚申則八月之朔不當己酉兩書志皆作己酉誤

日有食之在翼六度總章

二年六月戊申朔日有食之在東井二十九度咸亨  
元年六月壬寅朔日有食之在東井十八度二年十  
一月甲午朔日有食之在箕九度三年十一月戊子

朔日有食之在尾十度東井京師分箕爲后妃之府

尾爲後宮五年三月辛亥朔日有食之在婁十三度

占爲大臣憂上元二年九月壬寅朔日有食之兩書本紀無永隆元年四月

乙巳朔日有食之兩書本紀無十一月壬申朔日有食之在尾十六

度開耀元年十月丙寅朔日有食之在尾四度永淳

元年四月甲子朔日有食之在畢五度十月庚申朔

日有食之在房三度本紀無

垂拱二年二月辛未朔日有食之在營室十五度四年六月丁亥朔日有食之在東井二十七度京師分也天授二年四月壬寅朔日有食之在昴七度如意元年四月丙申朔日有食之在胃十一度皆正陽之月長壽二年九月丁亥朔日有食之在角十度角內爲天廷延載元年九月壬午朔日有食之在軫十八度軫爲車騎證聖元年二月己酉朔日有食之在營室五度聖曆三年五月己酉朔日有食之在畢十五度長安二年九月乙丑朔日有食之幾旣在角初度三年三月壬戌朔日有食之在奎十度占曰君不安

九月庚寅朔日有食之在亢七度

神龍三年六月丁卯朔日有食之在東井二十八度  
京師分也景龍元年十二月乙丑朔日有食之在南  
斗二十一度斗爲丞相位

先天元年九月丁卯朔日有食之在角十度開元三  
年七月庚辰朔日有食之在張四度七年五月己丑  
朔日有食之在畢十五度九年九月乙巳朔日有食  
之在軫十八度十二年閏十二月丙辰朔日有食之  
在虛初度十七年十月戊午朔日有食之不盡如鉤  
在氏九度二十年二月甲戌舊書  
卷四朔日有食之在營

室十度八月辛未朔日有食之在翼七度二十一年  
七月乙丑朔日有食之在張十五度二十二年十二  
月戊子朔日有食之在南斗二十三度二十三年閏  
十一月壬午朔日有食之在南斗十一度二十六年  
九月丙申朔日有食之在亢九度二十八年三月丁  
亥朔日有食之在婁三度天寶元年七月癸卯朔日  
有食之在張五度五載五月壬子朔日有食之在畢  
十六度十三載六月乙丑朔日有食之幾既在東井  
十九度京師分也

至德元載十月辛巳朔日有食之既在氏十度上元



二年七月癸未朔日有食之既大星皆見

司天秋官正瞿曇謨

秦曰癸未太陽虧辰正後六刻起虧已正後一刻既

午前一刻復滿虧於張四度周之分野甘德云日從

已至午蝕為周周為河南今逆賊史在張四度

思明據乙巳占日日蝕之下有破國

五月丁酉朔日當 大曆三年三月乙巳朔日有食之

蝕不蝕羣臣賀

自午虧至後一刻凡 在奎十一度

蝕十分之六分半 四年正月十五日十

一年十月辛酉朔日有食之在氏十一度宋分也

戊朔有司奏合蝕不蝕甲戌

上無月闕文案紀當是八月 十四年七月戊辰朔日有

食之在張四度十二月丙寅晦日有食之在危十二度

貞元二年

案紀在三年兩書 八月辛巳朔日有食之

志皆作二年誤

在軫八度 有司奏準禮請伐鼓於社不許太常卿董

晉諫曰伐鼓所以責羣陰助陽德宜從經

義竟五年正月甲辰朔日有食之在營室六度六年正月

不報戊戌朔有司奏合蝕不蝕百僚稱賀七年六月八年

庚寅朔有司奏蝕是夜陰雲不見百官表賀先是司天

十一月壬子朔日有食之尾六度宋分也監徐承嗣

奏據厯合蝕入分今退食三分準占君盛明則陰匿

而潛退請書於史從之十年四月癸卯朔有司奏太

陽合虧已正後五刻蝕之既未正後五刻復滿太

常奏準禮上不視朝其日陰雲不見百官表賀十二

年八月己未朔日有食之在翼十八度占曰旱十七

年五月壬戌朔日有食之在東井十度

元和三年七月辛巳朔日有食之在七星三度憲宗

臣曰昨司天奏太陽虧蝕皆如其言何也又素服救

日其義安在李吉甫對曰日月運行遲速不齊日凡

周天三百六十五度有餘日行一度月行十三度有

餘率二十九日半而與日會又月行有南北九道之

異或進或退若晦朔之交又南北同道即日爲月之所掩故名薄蝕雖自然常數可以推步然日爲陽精人君之象若君行有緩有急即日爲之遲速稍踰常度爲月所掩卽陰侵於陽亦由人君行或失中應感所致故禮云男教不修陽事不得譎見于天日爲之蝕古者日蝕則天子素服而修六官之職月蝕則后素服而修六宮之職皆所以懼天戒而自省惕也人君在民物之上易爲驕盈故聖人制禮務乾恭兢惕以奉若天道苟德大備天人合應百福斯臻陛下恭己向明日慎一日又頓憂天譴則聖德益固升平何遠伏望長保睿志以永無疆之休上曰天人交感妖祥應德蓋如卿言素服救日自貶之旨也朕雖不德敢忘兢惕卿等

當匡吾不迨也

十年八月己亥朔日有食之在翼十

八度十三年六月癸丑朔日有食之在輿鬼一度京

師分也

長慶二年四月辛酉朔日有食之在胃十三度

不盡者四

之一燕趙見之既

三年九月壬子朔日有食之在角十二度

大和八年二月壬午朔日有食之在奎一度開成元

年正月辛丑朔

舊書志作正月十五日舊書紀作丙辰望日有蝕之案是月辛丑朔則志

之十五日當是乙卯紀之丙辰當是十六日矣然

新書紀志皆在朔舊書紀志皆在望未知何從

有食之在虛三度

會昌三年二月庚申朔日有食之在東壁一度并州

分也四年二月甲寅朔日有食之在營室七度五年

七月丙午朔日有食之在張七度六年十二月戊辰

朔日有食之在南斗十四度

大中二年五月己未朔日有食之在參九度八年正

月丙戌朔日有食之在危一度危爲元枵亦耗祥也  
咸通四年七月辛卯朔日有食之在十七度

乾符三年九月乙亥朔日有食之在軫十四度四年  
四月壬申朔日有食之在畢三度六年四月庚申朔  
日有食之旣在胃八度

兩書紀  
皆無

文德元年三月戊戌

朔日有食之在胃一度

天祐元年十月辛卯朔日有食之在心二度

天祐三年四月癸未

舊書  
甲申

朔日有食之在胃十二度

凡唐著紀二百八十九年日食九十三朔九十一晦

二日

日變

貞觀初突厥有五白並照二十三年三月日赤無光  
李淳風曰日變色有軍急又曰其君無德其臣亂國  
濮陽復曰日無光主病

咸亨元年二月壬子日赤無光癸丑四方濛濛日有  
濁氣色赤如赭上元二年三月丁未日赤如赭永淳  
元年三月日赤如赭

文明元年二月辛巳日赤如赭長安四年正月壬子  
日赤如赭

景龍二年三月庚申日色紫赤無光

開元十四年十二月己未日赤如赭二十九年三月  
丙午風霾日無光近晝昏也占爲上刑急人不樂生  
天寶三載正月庚戌日暈五重占曰是謂棄光天下  
有兵

肅宗上元二年二月乙酉白虹貫日

永泰二年六月  
丁未日重輪

大厯二年七月丙寅日傍有青赤氣

長四丈餘壬申日上有赤氣長二丈九月乙亥至於  
辛丑日傍有青赤氣三年正月丁巳日有黃冠青赤  
珥辛丑亦如之凡氣長而立者爲直橫者爲格立於  
日上者爲冠直爲有自立者格爲戰鬪又曰赤氣在

日上君有佞臣黃爲土功青赤爲憂

貞元三年閏五月壬戌日有黑暈六年正月甲子日赤如血十年三月乙亥黃霧四塞日無光

元和二年十月壬午日傍有黑氣如人形跪手捧盤向日盤中氣如人頭四年閏三月日傍有物如日五年四月辛未白虹貫日十年正月辛卯日外有物如鳥十一年正月己卯日紫赤無光

長慶元年八月己丑白虹貫日三年二月庚戌白虹貫日寶曆元年六月甲戌赤虹貫日九月甲申日赤無光

二年三月甲午日中有黑氣如柘辛亥

舊書紀三月戊辰朔則辛



亥當是

日中有黑子四月甲寅白虹貫日

連環至  
午方滅

大和二年二月癸亥日無光白霧晝昏十二月癸亥

有黑祲與日如鬪五年二月辛丑

舊書紀二月庚午  
朔則辛丑當是三

月白虹貫日六年三月有黑祲與日如鬪庚戌日中

有黑子四月乙丑黑氣蔽日七年正月庚戌白虹貫

日八年七月甲戌白虹貫日日有交暈十月壬寅白

虹貫日東西際天上有背玦九年二月辛卯日月赤

如血壬辰亦如之開成元年正月辛丑朔白虹貫日

二月己丑亦如之二年十一月辛巳日中有黑子大

如雞卵日赤如赭晝昏至於癸未五年正月己丑日

暈白虹在東如玉環貫珥

案紀自此以下武宗卽位

二月丙辰日有

重暈有赤氣夾日十二月癸卯朔日旁有黑氣來觸會昌元年十一月庚戌日中有黑子四年正月戊申日無光二月己巳白虹貫日如玉環

大中十三年四月甲午日暗無光

咸通六年正月白虹貫日中有黑氣如雞卵七年十二月癸酉白氣貫日日有重暈甲戌亦如之白氣兵象也十四年二月癸卯白虹貫日

乾符元年日中有黑子二年日中有若飛燕者六年十一月丙辰朔有兩日竝出而闕三日乃不見闕者

離而復合也廣明元年日暈如虹黃氣蔽日無光日

不可以二虹百殃之本也中和三年三月丙午舊書紀三

月丁卯朔無丙午日有青黃暈四丙辰亦如之丁巳戊午又

如之光啟三年十一月己亥下晡日上有黑氣四年

二月己丑日赤如血庚寅改元文德是日風日赤無

光

景福元年五月日色散如黃金光化三年冬日有虹

蜺背璣彌旬日有赤氣自東北至於東南天復元年

十月日色散如黃金十一月又如之三年二月丁丑

日有赤氣自東北至於東南天祐元年二月丙寅日

中見北斗其占重十一月癸酉日中日有黃暈旁有

青赤氣二

案紀八月  
哀帝卽位

天祐二年正月甲申日有黃白暈暈上有青赤背乙

酉亦如之暈中生白虹漸東長百餘丈二月己巳

舊書

紀二月庚寅朔無己巳日有黃白暈如半環有蒼黑雲夾日長

各六尺餘旣而雲變狀如人如馬乃消舊占背者叛

背之象日暈有虹者爲大戰半暈者相有謀蒼黑稜

祥也夾日者賊臣制君之象變而如人者爲叛臣如

馬者爲兵三年正月辛未日有黃白暈上有青赤背

二月癸巳日有黃白暈如半環有青赤背庚戌日有

黃白暈青赤背

月變

貞觀初突厥有三月竝見

儀鳳二年正月甲子朔月見西方是謂朏朏則侯王  
其舒

武太后時月過望不虧者二

天寶三載正月庚戌月有紅氣如垂帶

肅宗元年建子月癸己乙夜月掩昴

出其北

而暈色白

有白氣自北貫之昴胡也白氣兵喪

司天監韓穎奏曰按石申占月

掩昴胡王死又月行昴北天下福臣伏以三光垂象月爲刑殺之徵二石殲夷史官常占畢昴爲天網白

氣兵喪掩其星則大破胡王行其北則天下有福已  
為周分癸主幽燕當羯胡竊據之却是殘寇滅亡之  
地明年史思明為其子朝義  
所殺十月雍王收復東都 建辰月丙戌月有黃白

冠連暈圍東井五諸侯兩河及輿鬼東井京師分也

永泰二年六月 大厯十年九月戊申月暈熒惑畢昴  
丁未月重輪

參東井及五車暈中有黑氣乍合乍散十二月丙子

舊書甲子月出東方上有白氣十餘道如匹練貫五車及

畢觜觶參東井輿鬼柳軒轅中夜散去占曰女主凶  
白氣為兵喪五車主庫兵軒轅為後宮其宿則晉分  
及京師也

元和十一年無月已未旦日已出有虹貫月於營室

開成四年閏正月甲甲朔乙酉月在營室正偃魄質  
成早也占爲臣下專恣之象五年正月戊寅朔甲申  
月昏而中未莖而中早也占同上

景福二年十一月有白氣如環貫月穿北斗連太微  
天復二年十二月甲申夜月有三暈裏白中赤黃外  
綠

天祐三年二月丙申月暈熒惑

孛彗

武德九年二月壬午有星孛於胃昴間丁亥孛於卷  
舌孛與彗皆非常惡氣所生而災甚於彗

貞觀八年八月甲子有星孛於虛危歷元枋

太宗謂侍臣曰

是何妖也虞世南對曰齊景公時有彗星晏子對曰公穿池畏不深築臺畏不高行刑恐不重是以彗爲戒耳景公懼而修德十六日而星滅臣聞若德政不修麟鳳數見無所補也苟政教無闕雖有災愆何損於時伏願陛下勿以功高古人而矜大勿以太

不見

舊書紀十一月上旬乃滅

十三年三月乙丑有星孛於畢昴

十五年六月巳酉有星孛於太微犯郎位七月甲戌不見

龍朔三年八月癸卯有彗星於左攝提長二尺餘乙

巳不見攝提建時節大臣象乾封二年

舊書總章元年案紀當從

舊書四月丙辰有彗星於東北在五車畢昴間

上避正殿減膳



令內外五品以上封事極言得失許敬宗曰星雖  
字而光芒小此非國皆不足上勞聖慮請御正殿復  
常膳不從敬宗又進曰星孛於東北王師問罪高麗  
將滅之徵帝曰我爲萬國主豈移過於小蕃哉二十  
二日星滅乙亥不見上元二年十二月舊書十月案壬午  
星滅

有彗星於角亢南長五尺三年七月丁亥有彗星於

東井指北河

北河積薪

長三尺餘東北行光芒益盛長三

丈掃中台指文昌九月乙酉不見東井京師分中台

文昌將相位兩河天闕也開耀元年九月丙申有彗

星於天市中

九月一日萬年縣女子劉疑靜乘白馬著白衣男子從者八九十人入太史局

升令廳牀坐勘問比有何災異太史長五丈舊書漸

令姚元辨執之以聞是夜彗見西方

小東行至河鼓

舊書河鼓左旗癸丑不見市者貨食之所聚

以衣食生民者一曰帝將遷都河鼓將軍象永淳二  
年三月丙午有彗星於五車北四月辛未不見

光宅元年九月丁丑有星如半月見於西方月衆陰  
之長星如月者陰盛之極

文明元年七月辛未夕有彗星於西方長丈餘八月  
甲辰不見舊書紀凡四十九日而  
滅志三十三日乃滅是謂天機

景龍元年十月壬午有彗星於西方十一月甲寅不  
見二年七月丁酉有星孛於胃昴間胡分也八月案舊

書紀志皆作三  
年此缺三年文壬辰有星孛於紫宮

延和元年六月舊書七月  
新書紀同有彗星自軒轅入太微至

大角滅

開元十八年六月甲子有彗星於五車癸酉有星孛於畢昴二十六年三月丙子有星孛於紫微垣歷北斗魁旬餘因陰雲不見

乾元三年四月丁巳有彗星於東方在婁胃間色白長四尺東方疾行歷昴畢觜觶參東井輿鬼柳軒轅至右執法西右執法七寸所凡五旬餘不見閏月辛酉朔有

彗星於西方長數丈至五月乃滅

是時自四月初大霧大雨至閏四月

未方止是月逆賊史思明再陷東都米價踊貴斗至八百文人相食殍尸蔽地婁爲魯國昴

畢爲趙觜觶參爲唐東井輿鬼爲京師分柳其半爲

周分二彗仍見者薦禍也又婁胃間天倉

大祿元年十二月己亥有彗星於匏瓜長尺餘經二旬不見犯宦者星五年四月己未彗星於五車光芒蓬勃長三丈五月己卯彗星見於北方色白癸未東行近八穀中星六月癸卯近三公己未不見占曰色白者太白所生也

七月京師米價騰踊斗千錢

七年十二月丙

寅有長星於參下其長亘天長星彗屬參唐星也

元和十年三月有長星於太微尾至軒轅十二年正

月戊子有彗星於畢

長二尺餘指西南凡三日近參旗設舊書紀長丈餘

長慶元年正月己未有星孛於翼二月丁卯

舊書紀二月戊

辰朔丁卯當從  
紀作正月晦

孛於太微西上將

孛在辰上去太微西垣南第一星七

寸所六月有彗星於昴長一丈凡十日不見

大和二年七月甲辰有彗星於右攝提南長二尺三

年十月客星見於水位八年九月辛亥有彗星於太

微長丈餘西北行越郎位庚申不見

庚申右軍中尉王守澄宣召鄭

注對於浴殿門是夜彗星出東方長三尺芒耀甚猛

開成二年二月丙午有彗

星於危長七尺餘西指南斗戊申在危西南芒耀愈

盛癸丑在虛

在危入度庚申在虛二度半

辛酉長丈餘西行稍南

指

在虛一度半舊書紀在虛九度半

壬戌在婺女長二丈餘廣三尺

在女九度癸亥愈長且濶

在女四度三月甲子在南斗

在斗十度乙

丑長五丈其末兩岐一指氏一掩房丙寅長六丈無

岐北指在亢七度丁卯西北行東指

文宗召司天監朱子容問星變

之由子容曰彗主兵旱或破四夷古之占書也然天道懸遠唯陛下修政以抗之乃救尙食今後每日御食料分爲十日其夜已巳舊書戊辰長八丈餘在張在張

彗長五丈濶五尺

度詔天下放繫囚徽樂減膳遊正殿先是羣臣拜章上徽號宜停

轅右東指在張七度不見凡彗星晨出則西指夕出則東指

乃常也未有徧指四方凌犯如此之甚者甲申客星

出於東井下戊子客星別出於端門內近屏星四月

丙午東井下客星沒五月癸酉端門內客星沒壬午

客星如孛在南斗天籥旁八月丁酉有彗星於虛危

虛危爲元枵枵耗名也三年十月乙巳有彗星於軫  
魁長二丈餘漸長西指十一月乙卯有彗星於東方  
在尾箕東西亘天十二月壬辰不見四年正月癸酉  
有彗星於羽林在室十度衛分也閏月丙午有彗星於  
卷舌西北二月己卯不見五年二月庚申有彗星於  
營室東壁間二十日滅案紀自此已下武宗卽位十一月戊寅有  
彗星於東方燕分也

會昌元年七月有彗星於羽林營室東壁間也十一  
月壬寅有彗星於北落師門在營室入紫宮十二月  
辛卯不見并州分也

大中六年三月有彗星於觜參參唐星也十一年九月乙未有彗星於房長三尺

咸通五年五月己亥夜漏未盡一刻有彗星出於東北色黃白長三尺在婁徐州分也九年正月有彗星於婁胃十年八月有彗星於大陵東北指占爲外夷兵及水災

乾符四年五月有彗星光啟元年有彗星於積水積薪之間二年五月丙戌有星孛於尾箕歷北斗攝提占曰貴臣誅

大順二年四月庚辰有彗星於三台東行入太微掃



大角天市長十丈餘五月甲戌不見宦者陳匡知星  
奏曰當有亂臣入宮三台太一三階也太微大角帝  
廷也天市都市也景福元年正月蚩尤旗見初出有  
白彗形如髮長二尺許經數日乃從中天下如匹布  
至地如蛇六月孫儒攻楊行密於宣州有黑雲如山  
漸下墜於儒營上狀如破屋占曰營頭星也十一月  
有星孛於斗牛占曰越有自立者十二月丙子天攬  
出於西南已卯化爲雲而沒二年三月天久陰至四  
月乙酉夜雲稍開有彗星於上台長十餘丈東行入  
太微掃大角入天市經三旬有七日益長至二十餘

丈因雲陰不見乾寧元年正月有星孛於鶉首秦分也又星隕於西南有聲如雷七月妖星見非彗非孛不知其名時人謂之妖星或曰惡星三年十月有客星三一大二小在虛危間乍合乍離相隨東行狀如鬪經三日而二小星沒其大星後沒虛危齊分也光化三年正月客星出於中垣宦者旁大如桃光焰射宦者宦者不見天復元年五月有三赤星各有鋒芒在南方既而西方北方東方亦如之頃之又各增一星凡十六星少時先從北滅占曰濛星也見則諸侯兵相攻二年正月客星如桃在紫宮華蓋下漸行至

御女丁卯有流星起文昌抵客星客星不動己巳客  
星在杠守之至明年猶不去占曰將相出兵五月夕  
有星當箕下如炬火炎炎上衝人初以爲燒火也高  
丈餘乃隕占曰機星也下有亂天祐元年四月有星  
狀如人首赤身黑在北斗下紫微中占曰天衝也天  
衝抱極泣帝前血濁霧下天下寃後三日而黑風晦  
暝

天祐二年四月庚子夕西北隅有星類太白上有光  
似彗長三四丈色如赭辛丑夕色如縞或曰五車之  
水星也一曰昭明星也甲辰有彗星於北河貫文昌

長三丈餘陵中台下台五月乙丑夜自軒轅左角及  
天市西垣光芒猛怒其長亘天丙寅雲陰至辛未少  
霽不見兩河爲天闕在東井間而北河中國所經也  
文昌天之六司天市都市也

### 星變

武德三年十月己未有星隕於東都中隱隱有聲

高祖

謂侍臣曰此何祥也起居舍人令狐德棻曰昔司馬懿伐遼有流星墜於遼東梁水上尋而公孫淵敗走晉軍追之至其星墜處斬之此王世充滅亡之兆也

貞觀二年天狗隕於夏州城中十四年八月有星隕  
於高昌城中十六年六月甲辰西方有流星如月西

南行三丈乃滅占曰星甚大者爲人主十八年五月  
流星出東壁有聲如雷占曰聲如雷者怒象十九年  
四月巳酉有流星向北斗杓而滅

永徽三年十月有流星貫北極四年十月睦州女子  
陳碩真反婺州刺史崔義元討之有星隕於賊營乾

封元年正月癸酉有星出太微東流有聲如雷咸亨

元年十一月西方有流星聲如雷三年二月三日調  
有流星如雷

露元年十一月戊寅流星入北斗魁中乙巳流星燭

地有光使星也

神龍三年三月丙辰有流星聲如頽牆光燭天地景

龍二年二月癸未有大星隕於西南

舊書天保墜

聲如雷

野雉皆雊

景雲元年

舊書二年案景雲元年八月無己未當從舊書

八月己未有流星

出五車至上台滅九月甲申有流星出中台至相滅

太極元年正月辛卯有流星出太微至相滅延和元

年六月幽州都督孫佺討奚契丹出師之夕有大星

隕於營中

開元二年五月乙卯晦有星西北流或如彗或如斗

貫北極小者不可勝數天星盡搖至曙乃止占曰星

民象流者失其所也漢書曰星搖者民勞十二年十

月壬辰流星大如桃色赤黃有光燭地占曰色赤爲

將軍使天寶三載閏二月辛亥有星如月墜於東南

墜後有聲

京師訛言官遣振振捕人肝以祭天狗人相恐畿內尤甚

至德二載賊將武令珣圍南陽四月甲辰夜中有大

星赤黃色長數十丈光燭地墜賊營中十一月壬戌

舊書紀十月乙巳朔則十一月無壬戌

有流星大如斗東北流長數丈

蛇行屈曲有碎光迸出占曰是謂枉矢

廣德二年六月丁卯有妖星隕於汾州十二月丙寅

自乙夜至曙星流如雨大厯二年九月乙丑晝有星

如一斗器

舊書如升器

色黃有尾長六丈餘出南方沒於

東北東北於中國則幽州分也三年九月乙亥有星  
大如斗北流有光燭地占爲貴使六年九月甲辰有  
星西流大如一斗器舊書如  
一升器光燭地有尾迸光如珠  
長五丈出婺女入天市南垣滅八年六月戊辰有流  
星大如一升器有尾長三丈餘入太微十二月壬申  
有流星大如一升器有尾長二丈餘出紫微入濁十  
年三月戊戌有流星出於西方如二升器有尾長二  
丈入濁十二年二月辛亥有流星如桃尾長十丈出  
匏瓜入太微建中四年八月庚申有星隕於京師興  
元元年六月戊午星或什或伍而隕貞元三年閏五



月戊寅枉矢墜於虛危十四年閏五月辛亥有星墜

於東北

新書紀  
西北

光燭如晝聲如雷

元和二年十二月己巳西北有流星亘天尾散如珠

占曰有貴使四年八月丁丑西北有大星東南流聲

如雷鼓六年三月戊戌日晡天陰寒有流星大如一

斛氣墜於兗鄆間聲震數百里野雉皆雥所墜之上

有赤氣如立蛇長丈餘至夕乃滅時占者以爲日在

戌魯分也不及十年其野主殺而地分九年正月有

大星如半席自下而升有光燭地羣小星隨之四月

辛巳有大流星尾迹長五丈餘光燭地至右攝提西

舊書右攝提南三尺所

滅十二年九月己亥甲夜有流星起中

天首如彘尾如二百斛船長十餘丈聲如羣鴨飛明若火炬過月下西流須臾有聲礮礮墜地有大聲如壞屋者三在陳蔡間十四年五月己亥有大流星出北斗魁長二丈餘南抵軒轅而滅占曰有赦赦視星之大小十五年七月癸亥有大星出鉤陳南流至婁

滅

案紀是年正月穆宗卽位

長慶元年正月丙辰有大星出狼星北

二尺所

色赤有

尾迹長三丈餘光燭地東北流至七星南

三尺所

滅四

月有大星墜於吳聲如飛羽七月乙巳有大流星出

參西北色黃有尾迹長六七丈光燭地至羽林滅

其月

幽州軍亂囚其帥張宏靖立朱克融其月二十八日鎮州軍亂殺其帥田宏正立王廷湊元和未河北三鎮皆以疆土歸朝廷至是幽鎮俱失俄而史憲誠以魏州叛三鎮復爲盜據連兵不息

八月辛

巳東北方有大星自雲中出色白光燭地前銳後大

長二丈餘

舊書長丈二尺五寸

西北流入雲中滅

舊書入濁滅

二年

四月辛亥

舊書紀丁亥案四月辛酉朔無辛亥當從紀

有流星出天市光

燭地隱隱有聲至郎位滅市者小人所聚郎在天廷

中主宿衛六月丁酉

舊書紀六月庚申朔無丁酉

有小星隕於房

心間戊戌亦如之巳亥亦如之

七月丙子夜東方大星西流至昴滅其聲

如雷案紀七月巳丑朔無丙子

閏十月丙申有流星大如斗抵中台

上星三年八月丁酉夜有大流星如數斗器起西北

經奎婁東南流去月甚近迸光散落墜地有聲四年

四月紫微中星隕者眾案紀是年正月敬宗即位十月舊書七月案敬宗紀

十月丙子朔無乙卯當從舊書乙卯有大流星出天船犯斗魁樞星

而滅占曰有舟楫事丙子有大流星出天將軍東北

入濁十二月甲午夜西北有流星出閭道至北極滅

寶麻元年正月乙卯有流星出北斗樞星光燭地入

濁占曰有赦七月庚子流星出北極至南斗柄滅案庚子當是閏七月晦七月上闕闕字。

十一月戊戌西南大二年正月甲戌夜北方大流星長五丈餘出紫微過軫滅

流星出羽林入濁三月己巳流星出河鼓東過天市入濁滅四月五月

甲子夜西方大流星長三丈穿天市垣至房滅

癸巳西北有流星長三丈餘光燭地入天市中滅占

爲有誅七月

壬申流星長二丈出斗北入濁滅

丙午

舊書同壬申

日初入

東南有流星向南滅以晷度推之在箕斗間八月丙申有大流星出王良長四丈餘至北斗杓滅王良奉車御官也

大和四年六月辛未自昏至戌夜流星或大或小觀者不能數占曰民失其所王者失道綱紀廢則然又

日星在野象物在朝象官七年六月戊子

舊書紀六月丁巳朔

無戊子

自昏及曙四方流星大小縱橫百餘八年六月

辛巳夜中有流星出河鼓赤色有尾迹光燭地迸如

散珠北行近天棊滅有聲如雷河鼓爲將軍天棊者

帝之武備

七月己巳夜流星出紫微西北長二丈至北斗第一星滅

九年六月丁

酉自昏至丁夜流星二十餘縱橫出沒多近天漢開

成二年九月丁酉

舊書紀八月壬辰朔十月辛卯朔則九月無丁酉

有星大

如斗長五丈自室壁西北流入大角下沒行類枉矢

中天有聲小星數百隨之十一月丁丑有大星墮於

興元府署寢室之上光燭庭宇三年五月乙丑有大

星出於柳張尾長五丈餘再出再沒四年二月己亥

舊書紀二月癸巳朔無己亥

丁夜至戊夜四方中天流星小大凡

二百餘並西流有尾迹長二丈至五丈八月辛未流

星出羽林有尾迹長八丈餘

舊書長十丈

有聲如雷羽林

天軍也十二月壬申蚩尤旗見

會昌元年六月戊辰

舊書紀庚子

自昏至戊夜小星數十

縱橫流散占曰小星民象七月庚午

舊書紀己巳

北方有

星光燭地東北流經王良有聲如雷十月壬寅有大

星東北流光燭地有聲如雷四年八月丙午有大星

如炬火光燭天地自奎婁掃西方七宿而隕六年二

月辛丑夜中有流星赤色如桃光燭地有尾迹貫紫

微入濁

咸通六年七月乙酉甲夜有大流星長數丈光燦如

電羣小星隨之自南徂北其象南方有以衆叛而之  
北也九年十一月丁酉有星出如匹練亘空化爲雲  
而沒在楚分是謂長庚見則兵起十三年春有二星  
從天際而上相從至中天狀如旌旗乃隕九月蚩尤  
旗見

乾符二年冬有二星一赤一白大如斗相隨東南流  
燭地如月漸大光芒猛怒三年晝有星如炬火大如  
五升器出東北徐行隕於西北四年七月有大流星  
如盂自虛危歷天市入羽林滅占爲外兵中和元年  
有異星出於輿鬼占者以爲惡星八月己丑夜星隕



唐書五十一 卷之三十一  
三十一  
如雨或如杯椀者交流如織庚寅夜亦如之至丁酉  
止三年十一月夜星隕於西北如雨光啟二年九月  
有大星隕於揚州府署延和閣前聲如雷光炎燭地  
十月壬戌有星出於西方色白長一丈五尺屈曲而  
隕占曰長庚也下則流血三年五月秦宗權擁兵於  
汴州北郊晝有大星隕於其營聲如雷是謂營頭其  
下破軍殺將

乾寧元年夏有星隕於越州後有光長丈餘狀如蛇  
或曰枉矢也三年六月天暴雨雷電有星大如椀起  
西南墜於東北色如鶴練聲如羣鴻飛占爲姦謀光

化元年九月丙子有大星墜於北方三年三月丙午  
有星如二十斛船色黃前銳後大西南行十一月中  
天有大星自東緩流如帶屈曲光凝著天食頃乃滅  
是謂枉矢天復三年二月帝至自鳳翔其明日有大  
星如月自東濁際西流有聲如雷尾迹橫貫中天三  
夕乃滅天祐元年五月戊寅乙夜雨晦其有星長二  
十丈出東方西南向首黑尾赤中白枉矢也一曰長  
星

天祐二年三月乙丑夜中有大星出中天如五斗器  
流至西北去地十丈許而止上有星芒炎如火赤而

黃長丈五許而蛇行小星皆動向東南其隕如雨少  
頃沒後有蒼白氣如竹叢上衝天中色蒼蒼占曰亦  
枉矢也三年十二月昏東方有星如太白自地徐上  
行極緩至中天如上弦月乃曲行頃之分爲二占曰  
有大孽

唐書卷第五十二

志二十八

天文三

從新書本  
分注舊書

月五星凌犯及星變

隋大業十三年六月鎮星羸而旅於參參唐星也李  
淳風曰鎮星主福未當居而居所宿國吉義寧二年  
三月丙午熒惑入東井占曰大人憂

武德元年五月庚午太白晝見占曰兵起臣強六月

丙子熒惑犯右執法

舊書左執法新  
書紀太白晝見

占曰執法大臣

象二年七月戊寅月犯牽牛凡月與列宿相犯其宿  
地憂牽牛吳越分九月庚寅太白晝見冬熒惑守五

諸侯六年七月癸卯熒惑犯輿鬼西南星占曰大臣有誅七年六月熒惑犯右執法七月戊寅歲星犯畢占曰邊有兵八年九月癸丑熒惑入太微太微天廷也冬太白入南斗斗主爵祿九年五月太白晝見傳

奏太白晝見於秦秦國當有天下高祖以狀授太宗及太宗卽位召奕謂曰汝前奏事幾累我然而今後但須悉心盡言無以前事爲慮六月丁巳經天己未又經天在秦分

丙寅月犯氏氏爲天子宿宮己卯太白晝見七月辛亥晝見甲寅晝見八月丁巳晝見太白上公經天者陰乘陽也

貞觀三年三月丁丑歲星逆行入氏占曰人君治宮

室過度一曰饑五年五月庚申鎮星犯鍵閉占爲腹  
心喉舌臣九年四月丙午熒惑犯軒轅十年四月癸  
酉復犯之占曰熒惑主禮禮失而後罰出焉軒轅爲  
後宮十一年二月癸未熒惑入輿鬼占曰賊在大人  
側十二年六月辛卯熒惑入東井占曰旱十三年五  
月乙巳犯右執法六月太白犯東井北轅井京師分  
也十四年十一月壬午月入太微占曰君不安十五  
年二月熒惑逆行犯太微東上相十六年五月太白  
犯畢左股畢爲邊將六月戊戌晝見九月己未熒惑  
犯太微西上將十月丙戌入太微犯左執法十七年

二月犯鍵閉三月丁巳守心前星癸酉逆行犯鉤鈴  
熒惑常以十月入太微受制而出伺其所守犯天子  
所誅也鍵閉爲腹心喉舌臣鉤鈴以開闔天心皆貴

臣象十八年十一月乙未月掩鉤鈴十九年七月

舊書

壬午太白入太微是夜月掩南斗太白遂犯左執

法光芒相及箕斗間漢津高麗地也太白爲兵亦罰  
星也二十年七月丁未歲星守東壁占曰五穀以水  
傷二十一年四月戊寅月犯熒惑占曰貴臣死十二  
月丁丑月食昴占曰天子破匈奴二十二年五月丁  
亥犯右執法七月太白晝見乙巳鎮星守東井占曰

旱閏十二月辛巳太白犯建星占曰大臣相譖

永徽元年二月己丑熒惑犯東井占曰旱四月己巳

月犯五諸侯熒惑犯輿鬼占曰諸侯凶五月己未太

白晝見二年六月己丑太白入太微犯右執法九月

甲午犯心前星十二月乙未太白晝見三年正月壬

戌犯牽牛牽牛爲將軍又吳越分也丁亥歲星掩太

微上將二月己丑熒惑犯五諸侯五月戊子舊書六月二日

掩右執法三日太白入太微犯右執法四年六月己丑太白晝見

六年七月乙亥歲星守尾占曰人主以嬪爲后己丑

熒惑入輿鬼八月丁卯人軒轅顯慶元年四月丁酉



太白犯東井北轅占曰秦有兵五年二月甲午熒惑

入南斗六月戊申

舊書紀六月庚午朔無戊申

復犯之南斗天廟

去復來者其事大且久也龍朔元年六月辛巳太白

晝見經天九月癸卯犯左執法二年七月己丑熒惑

守羽林羽林禁兵也三年正月己卯犯天街占曰政

塞姦出六月乙酉太白入東井占曰君失政大臣有

誅麟德二年三月戊午熒惑犯東井四月壬寅入與

鬼犯質星乾封元年八月乙巳熒惑入東井二年五

月庚申入軒轅三年正月乙巳月犯軒轅大星咸亨

元年四月癸卯月犯東井占曰人主憂七月壬申熒

惑入東井占曰旱丙申月犯熒惑占曰貴人死十二  
月丙子熒惑入太微二年四月戊辰復犯太微垣將  
相位也五年六月壬寅太白入東井上元二年正月  
甲寅熒惑犯房占曰君有憂一曰有喪三年正月丁  
卯太白犯牽牛占曰將相凶儀鳳二年八月辛亥舊書

紀乙

太白犯軒轅左角左角貴相也三年十月

舊書紀閏

十月戊寅熒惑犯鉤鈴四年四月戊午人羽林占曰軍

憂調露元年七月辛巳入天囷永隆元年五月癸未  
犯輿鬼丁酉太白晝見經天是謂陰乘陽陽君道也  
永淳元年五月丁巳辰星犯軒轅九月庚戌熒惑入

輿鬼犯質星十一月乙未復犯輿鬼去而復來是謂句已

垂拱元年四月癸未辰星犯東井北轅辰星爲廷尉東井爲法令失道則相犯也十二月戊子月掩軒轅大星二年三月丙辰復犯之萬歲通天元年十一月乙丑歲星犯司怪占曰水旱不時聖曆元年五月庚午太白犯天關天關主邊事二年熒惑入輿鬼三年三月辛亥歲星犯左執法久視元年十二月甲戌晦熒惑犯軒轅自乾卦二年後月及熒惑太白辰星凌犯軒轅者六長安二年熒惑犯五諸侯渾儀監尙獻

甫奏臣命在金五諸侯太史之位火克金臣將死矣  
武后曰朕爲卿禳之以獻甫爲水衡都尉水生金又  
去太史之位卿無憂矣是秋獻甫卒四年熒惑入月

鎮星犯天關

太史令嚴善思奏法有亂臣伏罪臣下謀上之變歲餘誅二張五王立中宗

神龍元年三月癸巳熒惑犯天田占曰旱七月辛巳

掩氏西南星占曰賊臣在內二年閏正月丁卯月掩

軒轅后星九月壬子熒惑犯左執法巳巳月犯軒轅

后星十一月辛亥犯昴占曰胡王死戊午熒惑入氏

十二月丁酉犯天江占曰旱三年五月戊戌太白入

輿鬼中占曰大臣有誅景龍三年六月癸巳太白晝

見在東井京師分也四年二月癸未熒惑犯天街五  
月甲子月犯五諸侯

景雲二年三月壬申太白入羽林八月己未歲星犯

執法

太極元年

三月壬申熒惑入東井先天元年八月四

日夜月蝕盡有星入月魄中

甲子太白襲月占曰太白兵象月大

臣體

案紀是年八月元宗即位

二年十一月丙子熒惑犯司怪

開元二年七月己丑太白犯輿鬼東南星七年六月  
甲戌太白犯東井鉞星占曰斧鉞用八年三月庚午  
犯東井北轅五月甲子犯軒轅十一年十一月丁卯  
歲星犯進賢十四年十月甲寅太白晝見二十五年

六月壬戌熒惑犯房二十七年七月辛丑犯南斗占  
曰貴相凶天寶十三載五月熒惑守心五旬餘占曰  
主去其宮十四載十二月月食歲星在東井占曰其  
國亡東井京師分也

至德二載七月巳酉太白晝見經天至於十一月戊  
午不見歷秦周楚鄭宋燕之分十二月歲星犯軒轅  
大星占曰女主謀君乾元元年正月癸未一更月掩

心前星

三更四  
籌方出

占曰太子憂六月癸丑入南斗魁中

占曰大人憂二年正月癸未歲星蝕月在翼楚分也

一曰饑二月丙辰月犯心中星

心前大星  
相去三寸

占曰主命

惡之上元元年五月癸丑月掩昴占曰胡王死八月

巳酉

舊書紀七月巳丑朔八月無巳酉

太白犯進賢十二月癸未歲

星掩房占曰將相憂三年建子月癸巳月掩昴出昴

北八月丁卯又掩昴寶應二年

案紀此卽廣德元年去年四月代宗卽位

四月巳丑月掩歲星占曰饑永泰元年九月辛卯太

白晝見經天

是月吐蕃逼京畿

大厯二年七月癸亥熒惑入

氏其色赤黃乙丑鎮星犯水位

在東井初度

占曰有水災

庚午夜月

乙亥

舊書巳巳

歲星犯司怪八月壬午月入氏

戊子月犯牽牛相去九寸

丙申

舊書巳丑紀同丙申

犯畢

相去四寸

九月戊申歲

星守東井日凡七

占皆爲有兵

乙卯吐蕃入寇至那寧

乙丑

舊書戊辰

紀同熒惑犯南斗

相去五寸

在燕分

十一月辛酉夜本紀壬戌月去東井一尺

甲子夜月去軒轅一尺

十二月丁丑

舊書丁酉

犯壁壘占曰兵起三

年正月壬子月掩畢

三月癸丑夜太白去天衢八寸癸酉夜太白順行去歲星二尺

八月己未

舊書己酉

復掩畢辛酉入東井

壬戌火星去太白四寸庚午夜

太白犯左執法相去一尺

九月壬申歲星入輿鬼占曰歲星爲貴

臣輿鬼主死喪丁丑熒惑入太微二旬而出巳卯太

白犯左執法

相去六寸戊子夜歲星去輿鬼一尺巳丑夜月犯東井相去五寸庚戌熒惑去

太微五寸太白去進賢四寸癸巳月去靈臺一尺案庚戌癸巳當有一譌

四年二月壬寅

熒惑守房上相丙午有芒角

去房星二尺所

三月壬午逆行

入氏中

癸未月去氏一尺

是月

戊子

鎮星犯輿鬼七月戊辰熒



惑犯次相九月丁卯犯建星

舊書犯  
郎位

占曰大臣相譖

五年二月

舊書  
四月

乙巳歲星入軒轅六月

丙申月去太  
微左執法一

寸丁酉月犯進賢

去哭星  
二寸

庚子犯氏

去氏  
七寸

庚戌太白

入東井六年七月乙巳月掩畢入畢中壬子月犯太微

去太

微二寸

八月甲戌熒惑犯鄭星庚辰月入太微

舊書紀  
入紫微

垣九月壬辰熒惑犯哭星

相去  
二寸

庚子犯泣星

相去  
四寸是

夜月掩畢丁未入太微

辛亥熒惑  
入壁壘

十月丁卯掩畢已

巳熒惑犯壘壁甲戌月入軒轅占曰憂在後宮十一

月壬寅入太微丙午掩氏十二月己巳入太微七年

正月乙未犯軒轅二月戊午掩天關占曰亂臣更天

子法令

辛酉月通輿  
鬼紀作甲寅

巳巳熒惑犯天街

三月辛卯  
通靈臺

四

月丁巳入東井辛未歲星犯左角占曰天下之道不

通壬申月入羽林

丙子鎮星  
臨太微

五月丙戌月入太微

六月

乙亥月臨東井十二  
月甲子太白入羽林

八年四月癸丑歲星掩房占曰

將相憂又宋分也甲寅熒惑入壘壁五月庚辰入羽

林七月巳卯太白入東井留七日非常度也占曰秦

有兵

辛卯熒  
惑臨月

乙未月入畢中

入月戊午  
熒惑臨月

癸未

舊書志  
此下九

月入羽林巳丑太白入

舊書志月入案  
紀當從新書

太微占曰

兵入天廷八月晝見

舊書  
志無

十月

癸卯太白臨鎮星丙  
午夜太白臨進賢

丁巳月掩畢壬戌入輿鬼掩質星庚午月及太白入

氏中占曰君有哭泣事十一月巳卯月入羽林壬午鎮星

賢通進

癸未太白入房占曰白衣會不曰犯而曰入蓋

鉤鈐間

癸巳月入太微垣

癸丑

舊書志此下閏十一月案舊書紀是月壬寅朔當從舊書

月掩天關甲寅入東井

乙丑月掩天關

丙寅月入氏

癸酉

舊書志在十二

月此屬關文

入羽林九年

正月癸丑熒惑逼諸王星

三月丁未熒惑入

東井

乙亥月臨軒轅

丁丑月入太微五月

己酉太白通熒惑

己未太

白入軒轅占曰憂在後宮

辛酉辰星通軒轅

六月

戊寅月通天江 己

卯月掩南斗庚辰入太微

戊子太白臨左執法

七月甲辰掩房

辛亥入羽林壬戌入輿鬼

八月辛卯月掩軒轅

九月辛丑

舊書庚子

朱泚自幽州入朝是夜

太白入南斗占曰有反臣又曰有赦甲

子熒惑入氏宋分也十月戊子歲星入南斗占曰大

臣有誅十二月戊辰月入羽林十年正月昭義軍亂

據河北叛戊申月逼軒轅三月陝州軍亂逐李國清庚戌熒惑

入壘壁四月甲子入羽林庚午月臨軒轅六月癸亥

臨天困戊辰月近太八月乙酉熒惑順戊辰舊書月

微乙亥月臨南斗入太微九月甲午十一年閏八月丁酉太白晝見經

天其年七月李靈耀以十二年正月乙丑月掩軒轅

癸酉掩心前星宋分也丙子入南斗魁中二月乙未

鎮星入氏中占曰其分兵喪李正巳地也三月壬戌

月入太微戊辰月逼心前星是月四月庚寅月臨乙

未掩心前星五月丙辰入太微戊戌

舊書志在六月此屬闕文入

羽林七月庚戌入南斗

癸丑熒惑逼司怪已巳宰相楊綰卒

乙亥熒惑

入東井十月

已丑月臨熒星

壬辰月掩昴

乙未月臨五諸侯

庚子入

太微

臨左執法遂入太微

十一月

癸丑太白臨哭星

乙卯入羽林

戊辰月臨

左執法

十二月

辛巳彗星臨闕鍵

壬午復入羽林自六年至此

月入太微者十有二入羽林者八熒惑三入東井再入羽林三入壘壁月太白歲星皆入南斗魁中十四年春歲星入東井

建中元年十一月月食歲星在秦分占曰其國亡是月歲星食天尸天尸與鬼中星占曰有妖言小人在

位君王失樞死者大半三年七月月掩心中星貞元  
四年五月丁卯月犯歲星在營室六月癸卯熒惑逆  
行入羽林占曰軍有憂六年五月戊辰月犯太白間  
容一指占曰大將死十年四月太白晝見十一年七  
月熒惑太白相繼犯太微上將十三年二月戊辰太  
白入昴三月庚寅月犯太白十九年三月熒惑入南  
斗色如血斗吳越分色如血者旱祥也二十一年案  
此卽永貞元年正月正月己酉舊書紀在二月案紀正  
月丙申順宗卽位正月己酉舊書紀在二月案紀正  
月辛未朔無己酉當從  
紀舊太白犯昴趙分也

永貞元年十二月丙午月犯畢己酉歲星犯太微西

垣將相位也

案紀是年八月憲宗卽位

元和元年十月太白入南斗十二月復犯之斗吳分也二年正月癸丑月犯太白於女虛二月壬申月掩歲星占曰大臣死四月丙子太白犯東井北轅己卯月犯房上相三年三月乙未鎮星蝕月在氏占曰其地主死四年九月癸亥太白犯南斗七年正月辛未月掩熒惑五月癸亥熒惑犯右執法六月己亥月犯南斗魁第四星西八年七月四日月去太微東垣癸酉月犯五諸侯去西第四星十月己丑熒惑犯太微西上將去西垣之南首十二月掩左執法九年二月

丁酉月犯心中星

東北七寸所

七月辛亥掩心中星占曰

其宿地凶心豫州分壬辰

舊書紀七月丙午朔無壬辰

月掩軒轅

是月太白入南斗至十月出乃晝見熒惑入南斗中

因留犯之南斗天廟又丞相位也

九月己丑月掩軒轅

十年八

月丙午月入南斗魁中十一年二月丙辰月掩心是

月熒惑入氏因逆行三月己丑月犯鎮星在女齊分

也四月丙辰太白犯輿鬼占曰有僂臣六月甲辰月

掩心後星是月熒惑復入氏是謂句己十一月戊寅

月犯歲星十二月甲午犯鎮星在危亦齊分也十二

年三月丁丑月犯心十三年正月乙未歲星逆行犯



太微西上將三月熒惑入南斗因逆留至於七月在

南斗中大如五升器色赤而怒乃東行非常也八月

己未月近南斗魁壬戌太白順行近太微甲戌太白犯左執法乙巳舊書紀九

月甲辰此熒惑犯哭星十月甲子月犯昴趙分也十

四年正月己丑月近東井北轅星癸卯月犯南斗魁占曰相凶

五月丙戌舊書庚寅月犯心中星西南一尺所七月乙酉掩心

中星十五年正月丙申復犯中星四月太白犯昴紀案

自此以下七月庚申熒惑逆行入羽林八月己卯月

穆宗卽位掩牽牛吳越分也十一月壬子月犯東井北轅

長慶元年正月丙午月掩東井鉞遂犯南轅第一星

去七寸所

二月乙亥太白犯昴

東南五寸所

趙分也丁亥月犯

歲星

南六寸所

在尾

十三度

占曰大臣死燕分也三月庚戌

太白犯五車

東南七寸所

因晝見至於七月以歷度推之

在唐及趙魏之分占曰兵起七月壬寅月掩房次相

八月辛巳太白在軒轅左角西北一尺所

九月

戊戌夜太白去太微垣南第一星一尺所

白順行入太微去

乙巳太白犯左執法

去二寸所辛亥月去天關

西北

二年

二月甲戌夜熒惑在歲星南七寸所

九月太白晝見熒惑守

天困六旬餘乃去占曰天困上帝之藏耗祥也十月

熒惑犯鎮星於昴甲子月掩牽牛中星占曰吳越凶

乙丑太白去南斗魁

十一月丁丑掩左角

庚辰月去房一尺所

第四星西一寸所

十二月丁未復掩之占曰將死

庚戌夜月近房星壬子五更後月近太白相去

一尺

甲寅月犯太白於南斗四年

二月癸卯太白犯東井

三月

庚午

舊書壬申

太白犯東井北轅遂入井中晝見經天七

日而出因犯輿鬼京師分也

四月十七日柴院作人張韶於紫草車中載兵

器犯銀臺門共三十七人入大內

禁兵誅之五月乙亥月掩畢

大星六月丙戌鎮星依厓在觜觿羸行至參六度當

居不居失行而前遂犯井鉞占曰所居宿久國福厚

易福薄又曰羸爲王不寧鉞主斬刈而又犯之其占

重癸未

舊書在八月此屬蜀文

熒惑犯東井丁亥

舊書癸未

入井中

巳丑大白犯軒轅右角因晝見至於九月占曰相凶

十月辛巳月入畢口十一月熒惑逆行向參鎮星守

天關十二月戊子月掩東井

案紀四年巳下敬宗卽位

寶曆元年四月壬寅熒惑入輿鬼掩積尸七月癸卯

犯執法甲辰鎮星犯東井

巳酉月犯西成去八寸所

甲子月掩畢

大星

閏七月癸巳夜月去心距九寸八月乙卯太白犯房相去九寸

癸未

舊書在九月此屬關

文太白犯南斗丙戌月犯畢

舊書紀犯右執法○甲午月犯太微左執法

十月辛亥犯天囷

癸亥太白臨哭星相去九寸紀在壬戌

十一月庚辰

舊書紀癸酉

鎮星復犯東井

相去七寸

癸未月犯東井

相去六寸十二月戊

申月犯畢

二年正月甲申犯左

舊書右

執法

相去五寸

戊子入於

氏二月丙午犯畢五月

甲戌月去太微八寸所

甲午熒惑犯昴

六月

庚申

太白犯昴七月壬申月犯畢

舊書辰犯畢

八月甲辰

太白去太微八寸所紀在丙申

庚戌熒惑

舊書紀作月

犯輿鬼

相去七寸

大和元年正月庚午月掩畢三月癸丑入畢口掩大

星月變於畢者自寶曆元年九月及茲而五五月月

掩熒惑在太微西垣丙戌熒惑犯右執法

九月戊寅月掩東井

南轅

二年正月庚午月掩鎮星七月甲辰熒惑掩輿

鬼質星十月丁卯月掩東井北轅三年二月乙卯太

白犯昴壬申熒惑犯右執法七月入於氏十月入於

南斗四年四月庚申

舊書辛酉

月掩南斗杓次星十一月

辛未熒惑犯右

舊書

執法

西北五寸

五年二月甲申月掩

熒惑三月熒惑犯南斗杓次星六年四月辛未月掩

鎮星於端門巳丑太白晝見七月戊戌月掩心大星

辛丑掩南斗杓次星七年五月甲辰熒惑守心中星

六月丙子月掩心中星遂犯熒惑七月甲午月掩心

中星丙申掩南斗口第二星九月丁巳入於箕戊辰

入於南斗癸酉太白入南斗冬鎮星守角八年二月

始去七月巳巳月犯昴戊子月犯昴九月癸丑月入南斗十月庚子

熒惑鎮星合於亢十二月丙戌舊書紀甲中月掩昴是歲

月入南斗者五占曰大人憂九年夏太白晝見自軒

轅至於翼軫六月庚寅月掩歲星在危而暈十月庚

辰月復掩歲星在危開成元年正月甲辰太白掩建星占曰大臣相譖六月丁未月掩心前星八月乙巳

入南斗二年正月壬申月掩昴二月巳亥月掩太白

於昴中六月甲寅月掩昴而暈太白亦有暈六月

案上

巳書六巳酉案上巳書甲寅不應大星晝見庚申太

白入於東井七月壬申月入南斗丁亥掩太白於柳

八月壬子太白入太微遂犯左右執法九月丙子月

掩昴三年二月巳酉掩心前星二月案上巳書戊午

榮惑入東井三月乙酉入輿鬼五月辛酉太白犯輿

鬼庚午月犯心中星甲寅舊書志六月二十八日案

紀六月丁亥朔則正當用

寅此闕  
六月文

太白犯右執法七月乙丑月掩心前星十月

辛卯太白犯南斗四年二月丁卯月掩歲星於畢三

月乙酉掩東井七月乙未

舊書  
辛丑

月犯熒惑占曰貴臣

死八月壬申熒惑犯鉞遂入東井十月戊午

舊書  
辛酉

辰

星入南斗魁中占曰大赦五年春木當王而歲星小

闇無光占曰有大喪二月壬申熒惑入輿鬼

案紀自  
此已下

武宗  
即位

四月太白歲星入輿鬼五月辰星見於七星色

赤如火七月乙酉月掩鎮星

會昌元年

九月癸巳熒  
惑犯輿鬼

閏九月丁酉熒惑入輿鬼中

占曰有兵喪

戊戌在  
鬼中

十二月庚午月犯太白於羽林



二年正月壬戌掩太白於羽林六月丙寅太白犯東井十月丙戌月掩歲星於角三年三月丙申又掩歲星於角七月癸巳熒惑入東井色蒼赤動搖井中八月丁丑犯輿鬼十月壬午晝月食太白於亢四年二月歲星守房掩上相熒惑逆行守軒轅四旬乃去庚申月掩畢大星十月癸未太白與熒惑合遂入南斗五年二月壬午太白掩昴在昴一度五月辛酉入畢口距星東南八月壬午犯軒轅大星九月癸巳熒惑犯太微一尺上將六年二月丁丑犯畢大星丁亥月出無光犯熒惑於太微頃之乃稍有光遂犯左執法丙申掩牽牛

南星遂犯歲星牽牛揚州分

大中十一年八月熒惑犯東井

咸通十年春熒惑逆行守心

乾符二年四月庚辰太白晝見在昴三年七月常星  
晝見四年七月月犯房六年冬歲星入南斗魁中占  
日有反臣光啟二年四月熒惑犯月角文德元年七  
月丙午月入南斗

案紀自此已下昭宗卽位

八月熒惑守輿鬼占

日多戰死

龍紀元年七月甲辰月犯心乾寧二年七月癸亥熒  
惑犯心光化二年鎮星入南斗三年八月壬申太白

應見在氏不見至九月丁亥乃見是謂當出不出十  
一月丁未太白犯月因晝見天復元年五月自丁酉  
至於己亥太白晝見經天在井度十月大角五色散  
搖煌煌如火占曰王者惡之二年五月甲子太白襲  
熒惑在軒轅后星上太白遂犯端門又犯長垣中星  
占曰賊臣謀亂京畿大戰十月甲戌太白夕見在斗  
去地一丈而墜占曰兵聚其下又曰山摧石裂大水  
竭庚子辰星見氏中小而不明占曰負海之國大水  
是歲鎮星守虛三年二月始去虛十一月丙戌案紀十一  
月丁酉朔無丙戌太白在南斗去地五尺許色小而黃至明

年正月乃高十丈光芒甚大是冬熒惑徘徊於東井  
間久而不去京師分也天祐元年二月辛卯太白夕  
見昴西色赤炎燄如火壬辰有三角如花而動搖占  
曰有反城有火災胡兵起六月甲午太白在張芒角  
甚大癸丑句巳犯水位自夏及秋大角五色散搖煌  
煌然占同天復初

天祐三年八月丙午歲星在哭星上生黃白氣如孛  
狀

### 五星聚合

武德元年七月丙午鎮星太白辰星聚於東井關中

分也二年三月丙申鎮星太白辰星復聚於東井九年六月巳卯歲星辰星合於東井占曰爲變謀三

辰歲太白又  
會於東井

貞觀十八年五月太白辰星合於東井占曰爲兵謀十九年六月丙辰太宗征高麗次安市城太白辰星合於東井史記曰太白爲主辰星爲客爲蠻夷出相從而兵在野爲戰

永徽元年七月辛酉歲星太白合於柳在秦分占曰兵起

景龍元年十月丙寅太白熒惑合於虛危占曰有喪

景雲二年七月鎮星太白合於張占曰內兵太極元年四月熒惑太白合於東井

天寶九載八月五星聚於尾箕熒惑先至而又先去尾箕燕分也占曰有德則慶無德則殃十四載二月熒惑太白闕於畢昴井鬼間至四月乃伏十五載三月乙酉歲太白熒惑合於東井五月熒惑鎮星同在虛危中天芒角

大動搖占者以爲北方之宿子午相衝災在南方

至德二載四月壬寅舊書紀乙酉歲星熒惑太白辰星舊書

紀無辰星聚於鶉首從歲星也罰星先去而歲星留占曰

歲星熒惑爲陽太白辰星爲陰陰主外邦陽主中邦

陽與陰合中外相連以兵八月太白芒怒掩歲星於  
鶉火又晝見經天鶉火周分也乾元元年四月熒惑  
鎮星太白聚於營室太史南宮沛奏其地戰不勝衛  
分也

太史南宮沛奏所合之處戰不勝大入惡之恐  
有喪禍明年冬郭子儀等九節度之師自潰於

州

大曆三年七月壬申五星竝出東方占曰中國利八  
年閏十一月壬寅太白辰星合於危齊分也十年正  
月甲寅歲星熒惑合於南斗占曰饑旱吳越分也一  
日不可用兵七月庚辰

舊書庚子案紀是月  
無庚辰當從舊書

太白辰

星合於柳京師分也

建中二年六月熒惑太白鬪於東井四年六月熒惑  
太白復鬪於東井京師分也金火罰星鬪者戰象也  
興元元年春熒惑守歲星在角亢占曰有反臣角亢  
鄭也貞元四年五月乙亥歲星熒惑鎮星聚於營室  
三十餘日占曰其國亡地在衛分六年閏三月庚申太白  
辰星合於東井占爲兵憂戊寅熒惑犯鎮星在奎魯  
分也

元和九年十月辛未熒惑犯鎮星又與太白合於女

在齊分十年六月辛未

舊書紀六月辛未  
丑朔無辛未

歲星熒惑太

白辰星合於東井占曰中外相連以兵十一年五月



原缺

占曰有喪四年正月丁巳熒惑太白辰星聚於南斗  
推麻度在燕分占曰內外兵喪改立王公冬歲星熒  
惑俱逆行失色合於東井京師分也

會昌二年六月乙丑

舊唐紀  
甲子

熒惑犯歲星於翼占曰

舉四年十月癸未太白熒惑合於南斗

咸通中熒惑鎮星太白辰星聚於畢昴在趙魏之分  
詔鎮州王景崇被袞冕軍府稱臣以厭之

文德元年八月歲星鎮星太白聚於張周分也占曰

內外有兵爲河內河東地

案紀是年三  
月昭宗卽位

光化三年十月太白鎮星合於南斗占曰吳越有兵

唐書卷第五十二